

JULY 5-11

BIBLE MU AKORADE | DEUTERONOMIUM 11-12

it-2 1007 ¶4

Ɔkra

Fi Wo Kra Nyinaa Mu Som. Sɛnea yɛahu no, “ɔkra” gyina ho ma onipa mŭ no nyinaa. Nanso kyerɛwnsɛm ahorow bi hyɛ yɛn nkuran sɛ yɛmfa ‘yɛn koma nyinaa **ne** yɛn kra nyinaa’ nhwehwɛ Yehowa, yɛnnɔ no, na yɛnsom no. (De 4:29; 11:13, 18) Deuteronomium 6:5 nso ka sɛ: “Fa wo koma nyinaa ne wo kra nyinaa ne w’ahodden nyinaa dɔ Yehowa wo Nyankopɔn.” Afei nso Yesu kaa sɛ, ɛho hia sɛ yɛde yɛn kra nyinaa, yɛn ahodden nyinaa, ɛnna afei ‘yɛn adwene nyinaa’ som Onyankopɔn. (Mr 12:30; Lu 10:27) Nanso yɛka ɔkra a, koma, adwene, ne ahodden nyinaa ka ho. Ɛnde adɛn nti na Bible ka sɛ yɛmfa yɛn koma, yɛn adwene, ne yɛn ahodden nɔ Onyankopɔn, na ɛsan ka sɛ yɛmfa yɛn kra nso nɔ no? Nea enti a ɛbɛyɛ sɛ Bible ka saa no, ma yɛmfa mfatoho yi nkyerɛkyerɛ mu: Obi betumi atɔn ne ho (kyerɛ sɛ, ne kra) ako nkoasom mu. Ɛba saa a, na wabɛyɛ ne wura no agyapade. Nanso ebetumi aba sɛ ɔremfi ne koma nyinaa mu anaa ɔrenyi ne yam nsom ne wura no. Enti ebia ɔremfa n’ahodden nyinaa ne n’adwene nyinaa nyɛ adwuma mmoa ne wura no. (Fa toto Efe 6:5; Kol 3:22 ho.) Wei nti na sɛ Bible ka sɛ yɛmfi yɛn kra nyinaa mu nsom Onyankopɔn a, ɛka sɛ yɛmfa yɛn koma ne yɛn adwene ne yɛn ahodden nyinaa nka ho no. Ɛno boa yɛn ma yehu sɛ, sɛ yɛresom Onyankopɔn anaa yɛreyɛ adwuma a Yesu de hyɛ yɛn nsa no a, ɛsɛ sɛ yɛde yɛn koma ne yɛn adwene ne yɛn ahodden nyinaa ka ho. Na ɛfata sɛ yɛyɛ saa, ɛfise yɛyɛ Onyan-

kopɔn dea, na ne Ba Yesu nso, ɔno na ɔde ne nkwa bɔɔ afɔre maa yɛn. Enti sɛ Bible ka sɛ yɛmfi yɛn “kra nyinaa” mu nsom Onyankopɔn a, ɛkyerɛ sɛ ɛsɛ sɛ yɛde yɛn nipadua akwaa nyinaa som no, na yɛde yɛn ho nyinaa ma no. Ɛnsɛ sɛ yeyi bi fi mu.—Fa toto Mt 5:28-30; Lu 21:34-36; Efe 6:6-9; Flp 3:19; Kol 3:23, 24 ho.

it-1 84 ¶3

Afɔremuka

Yehowa ka kyerɛ Israelfo no sɛ, afɔremuka ahorow a na abosonsomfo no asisi no, wommubu ne nyinaa. Afei nso, abosom adum ne abosonnua a na wɔtaa de sisi wɔn afɔremuka ho no nso, wɔnsɛ no. (Ex 34:13; De 7:5, 6; 12:1-3) Ɔsan ka kyerɛ wɔn sɛ, wɔnhwɛ yiye na wɔansuasua abosonsomfo no; wɔnhwɛ nso na wɔanhyew wɔn mma wɔ ogya mu te sɛ Kaananfo no. (De 12:30, 31; 16:21) Ɔde kaa ho sɛ, ɛnsɛ sɛ wosisi afɔremuka bebre. Mmom wonsi afɔremuka baako pɛ a wɔde besom nokware Nyankopɔn koro pɛ no. Saa afɔremuka no, ɔno na ɔbɛkyerɛ wɔn baabi a wɔde besi. (De 12:2-6, 13, 14, 27; wode toto Babilonfo no ho a, wɔn nyamebea Ishtar nko ara, na wɔwɔ afɔremuka mmaako mmaako 180 a wɔbɔ afɔre wɔ so ma no.) Yehowa ka kyerɛ Israelfo no sɛ, sɛ wotwa Asubɔnten Yordan wie a, wɔmfa abo a wontwitwaa ho nsi afɔremuka mma no. (De 27:4-8) Yosua sii saa afɔremuka no wɔ Ebal Bepɔw so. (Yos 8:30-32) Bere a Israelfo ko gyee asaase no na wɔkyekye maa mmusuakuw no akyi no, Rubenfo ne Gadfo ne Manase abusuakuw fã no sii afɔremuka kakraka bi wɔ Asubɔnten Yordan ho. Ɛbaa saa no, mmusuakuw a aka no ante ase, enti anka ɛreyɛ de ntɔkwaw aba. Nanso akyiri yi wobehui sɛ, ɛnyɛ adwene a wɔn nuanom de yɛɛ saa ne sɛ wɔpɛ sɛ wofi

Yehowa akyi. Mmom na wɔpɛ sɛ ɛyɛ adanse a ɛbɛma obiara ahu sɛ, wɔn nso, wɔsom Yehowa a ɔne nokware Nyankopɔn no.—Yos 22:10-34.

Tweetwee Bible Mu

it-1 925-926

Gerisim Bepɔw

Ná Mose aka akyerɛ Israel man no sɛ, sɛ wodu baabi a Gerisim Bepɔw ne Ebal Bepɔw no wɔ a, wɔmmoaboa wɔn ho ano. Enti bere a wodii Ai so nkonim no, ankyɛ koraa na Yosua ma wɔboaboa wɔn ho ano wɔ baabi a Mose kyerɛ no. Afei, wɔkenkan nhyira a sɛ wotie Yehowa a wobɛnya ne nnome a sɛ wɔantie no a ɛbɛba wɔn so no nyinaa kyerɛ wɔn. Wɔmaa Simeon, Lewi, Yuda, Isakar, Yosef, ne Benjamin mmusuakuw no gyinaa Gerisim Bepɔw no anim. Lewifo no de, wɔde apam adaka no kaa wɔn ho kogyinaa mmepɔw mmieniu no ntam, ɛna wɔmaa mmusuakuw nsia a aka no nso kogyinaa Ebal Bepɔw no anim. (De 11:29, 30; 27:11-13; Yos 8:28-35) Bere a wɔrekenkan nhyira no, wɔde wɔn ani kyerɛ mmusuakuw a wogyina Gerisim Bepɔw no anim, na ɛbɛyɛ sɛ wɔn na wogyee so. Na bere a wɔrekenkan nnome no, wɔde wɔn ani kyerɛ mmusuakuw a na wogyina Ebal Bepɔw no anim, na ɛbɛyɛ sɛ wɔn na wogyee so. Ebinom ka sɛ, nea enti a wɔkenkan nhyira no wɔ Gerisim Bepɔw no anim ne sɛ, saa bepɔw no yɛ fɛ, na ɛso asaase no yɛ asaase pa. Ɛnte sɛ Ebal Bepɔw a ɛso awo wosee na abo pii agye afa no. Nanso Bible no nkyerɛ nea enti a wɔyɛ no saa. Kyerɛwnsɛm no ka sɛ, wɔkenkan Mmara no den wɔ “Israel asafo no ne mmea ne mmofra ne ahɔho a wɔwɔ wɔn mu no nyinaa anim.” (Yos 8:35) Enti na nkurɔfo no dɔɔso paa, nanso sɛ obi gyina Gerisim Bepɔw anim oo, Ebal Bepɔw anim oo, na ɔbete nea wɔrekenkan no. Ade

baako a ɛbɛyɛ sɛ ɛmaa obiara tee nea na wɔrekenkan no ne sɛ, sɛnea na beae a wogyina no te nti, sɛ obi kasa a, na ne nne tumi kɔ akyiri paa.

JULY 12-18

BIBLE MU AKORADE | DEUTERONOMIUM 13-15

it-2 1110 ¶3

Ntotoso du du

Ntotoso du du a na woyi wɔ Israel no, ɛbɛyɛ sɛ na ɛyɛ ahorow mmieniu. Ná wɔde baako ma Lewifo no. Baako a aka no, sɛ afe biara woyi a, na Lewifo no nya kakra de, nanso na wɔde fã kɛse no ara di dwuma titiriw bi. Ɛne sɛ, sɛ Israelfo no rekoɥiam adi afahyɛ ahorow no a, na wɔde ma mmusua mmusua. Israelfo mmusua no bi wɔ hɔ a, ɔkwan a na wotwa kɔ Yerusalem no, na ɛware paa. Enti na ɛbɛyɛ den sɛ wɔde nea wonyae no betwa kwan akɔ. Ɛba saa a, na wɔsesa dekode a wɔanya no yɛ no sika. Enti sɛ wokodu Yerusalem na nhyiam kronkron no rekɔ so a, saa sika no na na wodi. (De 12:4-7, 11, 17, 18; 14:22-27) Nanso ɛnye afe biara na na wɔde saa ntotoso du du no ma mmusua mmusua. Nea ɛte ne sɛ, Israelfo bere so no, na afe a ɛto so nson biara yɛ Ɔhome afe. Enti nea na wɔyɛ ne sɛ, afe a ɛto so mmiensa biara awiei no, sɛ wogyigye saa ntotoso du du yi a, sɛ anka wɔbɛkyekye ama mmusua mmusua ama wɔde akodi afahyɛ no, na wɔkyekye ma Lewifo, ahɔho a wɔabɛsoɛ wɔn mu, akunafo, ne nnyanka. Afe a ɛto so nsia biara awiei nso, saa ara na na wɔyɛ.—De 14: 28, 29; 26:12.

it-2 833

Ɔhome Afe

Ɔhome afe no, na wɔsan frɛ no ‘afe a wɔde ɛka kye [*hash-shemit-tah*].’ (De 15:9; 31:10)

Edu saa afe no a, na wɔma wɔn nsaase home anaa wogyaw ma ɛda ho kwa, kyere sɛ, na wonnua biribiara wɔ so. (Ex 23:11) Afei nso, sɛ obi de obi ka na saa afe no du a, na ɛsɛ sɛ ɔde kye no. Kyerɛwnsɛm no ka sɛ, na wɔde ɛka no “kye wɔ Yehowa anim,” kyere sɛ, na wɔye saa de hye Onyan-kopɔn anuonyam. ɛka a na wɔde kye ɔhome afe no, ɛsono nea nhomanimfo ka wɔ ho. Ebinom ka sɛ, sɛ obi de obi ka a, ɛnye sɛ na ɔde kye no koraa. Mmom nea ɛte ne sɛ, sɛ Israelni de ne yɔnko Israelni ka a, na ɛnsɛ sɛ ɔdan no ka, ɛfise na obiara nye afuw saa afe no, enti na ɔrennya sika a ɔde betua. Nanso wɔkyere sɛ ɔhɔho de, na wobetumi adan no ka. (De 15:1-3) Rabifo binom nso kyere sɛ, sɛ obi bɔ ohiani bi bosea na wantumi antua a, saa ɛka no na edu ɔhome afe no a wɔde kye. Nanso sɛ onipa no kogye bosea no de kɔyɛ adwuma a, ɛno de na ɛsono sɛnea wɔka ho asɛm. Rabifo no kyerɛ mu a, asomafo no bere so no, owura bi a wɔfrɛ no Hillel yɛɛ nhyehyɛe bi sɛ, wɔn a nkurɔfo de wɔn ka no betumi ako asɛnnibea de akɔto abaguafo no anim sɛ, nkurɔfo a ɛde wɔn ka no, asɛnnibea no nhwɛ sɛ ɔkwan biara so wobetua.—*The Pentateuch and Haftorahs*. J. Hertz na ɔye ne samufo, London, 1972, kr. 811, 812.

it-2 978 ¶6

Akoa

Mmara a na ɛkyere sɛnea ɛsɛ sɛ akoa ne ne wura tena. Tete no, sɛ obi ye Israelni na ɔye akoa a, na ɛsono sɛnea wɔne no di, ɛna ɛsono sɛnea wɔne ɔhɔho anaa obi a watu abetena wɔn mu a ɔye akoa nso di. Sɛ obi ye ɔhɔho na ɔye akoa a, na ɔbesom ne wura no afeboɔ. Ne wura no wu mpo a, na akoa no beba abɛye ne mma no agyapade, kyere sɛ, na ɔbekɔ so asom wɔn. (Le 25:44-46) Nanso, sɛ obi ye Israelni na ɔye

akoa a, sɛ ɔsom na afe a ɛto so nson no du anaa Ahofadi Afe no so a, emu biara a ebedi kan aba no, na ɛsɛ sɛ ne wura no gyaa no ma ɔkɔ. Israelni bi ye akoa a, na ɛsɛ sɛ ne wura ne no di te sɛ ɔpaani a wafa no adwuma. (Ex 21:2; Le 25:10; De 15:12) Afei nso, na Israelfo no mu bi tumi tɔn wɔn ho sɛ nkoa ma ahɔho, obi a watu abetena wɔn mu, anaa ɔhɔho bi busuani. Sɛ Israelni bi ye saa a, bere biara a ɔpe biara, na ɔno ara anaa ne busuani bi a ɔben no betumi atua sika ama ne wura no, na ama wafa ne ho adi. Sika dodow a obetua no, na ebegyina mfe dodow a aka ama afe a ɛto so nson no adu anaa Ahofadi Afe no aso. (Le 25:47-52; De 15:12) Sɛ owura no regyaa akoa a ɔye Israelni no ama wakɔ a, na ɛsɛ sɛ ɔpe biribi ma no, sɛnea ɛbɛye a ɛbeboa no ama wafi abraɔ ase. (De 15:13-15) Sɛ ɔne ne yere nyinaa na ɛkɔ nkoa-som mu na sɛ ne wura no gyaa no a, ɛsɛ sɛ ɔde ne yere no ka ne ho kɔ. Nanso sɛ ne wura no na ɔde ɔbea no maa no a, (ebetumi aba sɛ ɔbea a ɔde no maa no no ye ɔhɔho, enti sɛ mfe nson no du mpo a, onni hokwan sɛ ofi ne wura no nkyɛn) ɛnde sɛ akoa no rekɔ a, obegyaw ɔbea no ne ne mma no nyinaa ama ne wura no. Akoa no pe nso a, obetumi aka sɛ ɔmpɛ sɛ ofi ne wura nkyɛn. ɛba saa a, na ɛsɛ sɛ ne wura no de ade bɔ n’asom tokuru ma ɔye n’akoa afeboɔ.—Ex 21:2-6; De 15:16, 17.

JULY 19-25

BIBLE MU AKORADE | DEUTERONOMIUM 16-18

it-1 343 ¶5

Anifurae

Wohwɛ Mose Mmara no mu a, nsɛm pii wom a ɛka sɛ, sɛ obi ye ɔtemmufo a, ɛnsɛ sɛ

ogyɛ adanmude anaa braeb, ɛnsɛ sɛ ogyɛ akyɛdɛ, na saa ara nso na ɛnsɛ sɛ ɔhwɛ nni-pa anim. Saa nneɛma no betumi afura n'ani ama wabu atɛnkɛyɛa. Enti tete no, sɛ ɔtemmufo bi redi aɛm, na sɛ saa nneɛma yi bi nti obu atɛnkɛyɛa a, na wotumi ka ne ho aɛm sɛ n'ani afura. Bible ka sɛ: “Nea ohu ade yiye mpo, braeb tumi fura n'ani.” (Ex 23:8, ase ho aɛm) Ɛsan ka sɛ: “Braeb fura anyansafo ani.” (De 16:19, ase ho aɛm) Sɛ ɔtemmufo bi tɛɛ na ɔwɔ nhumu sɛ dɛn, na ogyɛ akyɛdɛ fi wɔn a ɔredi wɔn aɛm no bi ho a, ebetumi ama wabu atɛnkɛyɛa bere mpo a n'ani nna ne ho so. Afei nso, Onyankopɔn mmara ma yehu sɛ, ɛnyɛ akyɛdɛ nko ara na ebetumi afura ɔtemmufo bi ani, na mmom, wɔn a ɔredi wɔn aɛm no mu baako betumi ayɛ no mmɔɔ na wadi ama no. Mmara no kaa sɛ: “Sɛ moredi ohiani aɛm a, monnhwɛ ne hia ho nnkogyina n'afã, na moredi ɔdefo aɛm nso a, monnhwɛ ne sika ho nnkogyina n'afã.” (Le 19:15) Enti sɛ osikani ne ohiani nya aɛm a, na ɛnsɛ sɛ ɔtemmufo no ma ohiani no yɛ no mmɔɔ anaa otie nea nni-pa dodow no ara reka na odi tia sikani no esiane sɛ ɔyɛ sikani ara nti.—Ex 23:2, 3.

it-2 511 ¶7

Nɔma

Mmienu. Wohwɛ Bible mu a, aɛmɔfua “mmienu” taa pue bere a wɔreka aɛnni ho aɛm. Sɛ aɛm bi si, na nnipa mmienu bedi adanse na wɔn adanse no hyia a, ɛma aɛm no di mū paa. Ɛno nti, tete no sɛ wɔredi aɛm a, na ehia sɛ nnipa mmienu anaa mmiɛnsa bedi adanse wɔ atemmufo no anim, ansa na wɔabu atɛn. Ɛnnɛ nso, saa na ɛtɛ wɔ Kristofo asafo no mu. (De 17:6; 19:15; Mt 18:16; 2Ko 13:1; 1Ti 5:19; Heb 10:28) Bere a Onyankopɔn redi ne Ba no ho adanse sɛ ɔno ne Agyenkwa no, ɔdɛ saa aɛm yi yɛɛ adwuma. Yesu kaa sɛ:

“Wɔakyerɛw wɔ mo ara mo Mmara mu sɛ: ‘Nnipa baanɔ adanse yɛ nokware.’ Midi me ho adanse, na Agya a ɔsomaa me no nso di me ho adanse.”—Yoh 8:17, 18.

it-2 685 ¶6

Ɔsɔfo

Asɔfo no titiriw na na wɔkyerɛkyerɛ Onyankopɔn mmara no mu kyerɛ ɔman no. Afei nso, wɔn a na wodi aɛm wɔ Israel no, na asɔfo no di mu akoten. Nkurow a na asɔfo no tete mu no, sɛ aɛm bi ɔsɔre wɔ ho a, na wɔboa atemmufo a wɔwɔ ho ma wodi aɛm no. Bio nso, sɛ aɛm bi ɔsɔre wɔ baabi, na ɛyɛ den ma atemmufo no sɛ wobedi a, na asɔfo no boa wɔn. (De 17:8, 9) Sɛ obi kum obi na sɛ obiara anhu owudifo no a, na ɛsɛ sɛ asɔfo no boa kurow no mu mpanyimfo ma wɔdɛ akwankyerɛ a Onyankopɔn de ama wɔ nɛm a ɛtɛtɛ saa ho no yɛ adwuma, sɛnea ɛbɛyɛ a kurow no renni mogya ho fɔ. (De 21:1, 2, 5) Afei nso, sɛ ɔbarima bi bɔ ne yere sobo sɛ wafa n'akyi a, na ɛsɛ sɛ wɔdɛ ɔbea no kɔ kronkronbea ho. Wɔdɛ no kɔ ho a, na ɔsɔfo no bɛyɛ nneɛma bi de asɔre Yehowa sɛ ɔno ankasa mmu ɔbea no atɛn nkyerɛ sɛ odi fɔ anaa odi bem. (Nu 5:11-31) Atɛn biara a asɔfo no anaa atemmufo no bebu no, na ɛsɛ sɛ obiara gye tom. Sɛ obi yɛ ahantan na ɔhyɛ da kasa tia atɛn a wobebu no anaa ɔka sɛ ɔrennyɛ ntom a, na ɛsɛ sɛ wokum no.—Nu 15:30; De 17:10-13.

Tweetwee Bible Mu

it-1 787

Abɔnefo a Wɔpam Wɔn Anaa Wotwa Wɔn Fi Ho

Mose Mmara no kaa sɛ, ansa na wobebu obi kumfɔ no, anyɛ yiye koraa no ɛsɛ sɛ nnipa mmienu di nea onipa no ayɛ no ho adan-

se se eye nokware. (De 19:15) Se wobu no kumfo a, adansefo no na na ese se wodi kan siw no abo. (De 17:7) Nea enti a na ese se adansefo no ye saa ne se, na ebekyerse se Onyankopon mmara ho hia won paa na wope se Israel asafo no ho tew. Afei nso, na ebewo obiara koko se, ense se opere ne ho kodi asem bi ho adanse anaa okodi adanse a enye nokware.

JULY 26–AUGUST 1

BIBLE MU AKORADE | DEUTERONOMIUM 19-21

it-1 344

Mogya

Onipa biara wo hokwan se otena nkwa mu, efise Onyankopon na omaa yen nyinaa nkwa. Obiara nni hokwan se ogye ne yonko nkwa fi ne nsam. Se obi ye saa a, Onyankopon bebisa no. Bere a Kain kum ne nua no, asem a Onyankopon ka kyere no no ma yehu se nea yereka yi ye nokware. Oka kyere no se: “Wo nua no mogya fi asaase so reteem fre me.” (Ge 4:10) Se obi tan ne nua, na se onyae mpo a anka wawu a, odi ne nua no mogya ho fo. Afei nso, se obi twa atoro to ne yonko so anaa okodi ne ho adanse a enye nokware a ebetumi de ne nkwa ato asiane mu a, eno nso bema wadi ne yonko no mogya ho fo.—Le 19:16; De 19:18-21; 1Yo 3:15.

Tweetwee Bible Mu

it-1 518 ¶1

Asennibea

Tete no, kurow no pon ano na na wotena di asem. (De 16:18; 21:19; 22:15, 24; 25:7; Ru 4:1) Se Bible ka se na wotena “kurow no pon ano” di asem a, enkyere se na wotena pon no ano pae. Mmom se obi repue afi kurow no mu a, aka kakra ama wadu pon no ano

no, na baabi wo ho a eye petee mu; ehoo na na wotena di asem. Ehoo ara nso na na oman no boaboa won ho ano ma wokenkan Onyankopon Mmara kyere won. Se wosi gyinae bi wo oman no mu anaa akwankyerse bi wo ho a ese se omanfo no te a, ehoo na na wode to gua. (Ne 8:1-3) Afei nso, se obi reton n’agypade anaa oreye biribi a obehia adansefo a, na enye den se obenya bi wo kurow no pon ano, efise na nkurofo di ho akoneaba da mu no nyinaa. Esiane se na nnipa nye na wo ho nti, se atemmufo redi asem wo ho a, na eboa ma wodi asem no yiye. Ebeye se na woahe da asiesie baabi kama wo kurow no pon ano a na atemmufo no tena di asem. (Hio 29:7) Samuel bere so no, otutuu akwan koo Betel, Gilgal, ne Mispa ‘kobuu Israel aten wo saa mmeae yi nyinaa.’ Osan buu aten wo Rama, baabi a na ne fie wo no.—1Sa 7:16, 17.

AUGUST 2-8

BIBLE MU AKORADE | DEUTERONOMIUM 22-23

it-1 375-376

Adesoa

Tete no, se obi pe se odo nneema a emu ye duru ko baabi a, na otaa de soa mmoa. Onyankopon ka kyere Israelfo no se, se wokoto se obi afurum butuw ho a adesoa aden no so a, ense se wotwa ne ho ko. Mmom ese se ‘woyi adesoa no.’ (Ex 23:5) Nneema a wode soa mmoa no, na wofre no adesoa. Aboa biara nso ne n’ahoden. Eno nti, na wowa nneema dodow a “mfurumpkonko abien betumi asoa.”—2Ki 5:17.

it-1 621 ¶1

Deuteronomium

Wohwe Deuteronomium nhoma no mu a, wubehu se Onyankopon dwen mmoa ho.

Ɔka kyerɛ Israelfo no sɛ, wɔkɔto sɛ ano-maa bi butuw ne mma anaa ne nkosua so a, ɛnsɛ sɛ wɔfa no kɔ. Nea enti a ɛte saa ne sɛ, sɛ ɛnyɛ sɛ obutuw ne buw no so rebɔ ne mma no ho ban a, anka ɛbɛyɛ den sɛ obi benya no akyere no. Enti sɛ obi kɔto anomaa bi saa a, na ɛsɛ sɛ ogyaa no ma ɔkɔ. Nanso ne mma no de, na obetumi afa. Ɛba saa a, anomaa a wagya no no betumi asan ato nkosua na wanya mma foforo. (De 22:6, 7) Afei nso, wɔn a wɔyɛn mmoa no, Onyankopɔn ka kyerɛ wɔn sɛ, ɛnsɛ sɛ wɔde nantwi ne afurum bom funtum asaase. Obi yɛ saa a, ɛbɛma aboa a onni ahɔɔden no abrɛ. (22:10) Sɛ nantwi reporow hwiit nso a, na ɛnsɛ sɛ wɔkyekyere n'ano na ɔkyere kɔm de n'ahɔɔden yɛ adwuma bere a n'ani tua sɛ aduan wɔ hɔ.—25:4.

Tweetwee Bible Mu

it-1 600

Ɛka, Obi a Ɔde Ka

Dekode a ɛsɛ sɛ obi a ɔde ka tua no, ɛno na yɛfrɛ no ɛka. Tete Israel no, nea na ɛtaa ma nkurɔfo de ka yɛ ohia anaa bere a obi sikasem ayɛ basaa. Sɛ obi yɛ Israelni na ɔde ka a, na ɛnyɛ aɛmpa, efisɛ ɔkwan bi so no, ɔba bɛyɛ akɔa ma nea ɔde no ka no. (Mme 22:7) Ɛno nti, Onyankopɔn ka kyerɛ Israelfo no sɛ, sɛ ehia wɔn ɔnko Israelni bi na ɔbɛɔ wɔn hɔ bosea a, wonyi wɔn yam mmoa no, na ɛnsɛ sɛ wɔdidi wɔn nua no ho gye nsiho. (Ex 22:25; De 15:7, 8; Dw 37:26; 112:5) Nanso ɔka kyerɛ Israelfo no sɛ, sɛ ɔhɔho bɛɔ wɔn hɔ bosea a, wobetumi agye nsiho. (De 23:20) Wɔn a wɔkyerɛw nsem fa Yudafo ho no ka sɛ, ɛnyɛ ahɔho a ahia wɔn na na ɛsɛ sɛ wogyɛ nsiho fi wɔn hɔ, mmom ɛyɛ wɔn a na wɔbɔ bosea kodi gua. Ntea-se wom, efisɛ mpen pii no, sɛ ahɔho ba Israel a, na wɔba bedi gua. Wɔba nso a, na wɔntena hɔ nkyɛ. Afei nso sɛ ahɔho yi bɔ

nkurɔfo bosea a, na wogyɛ nsiho. Enti sɛ Israelfo nso gye nsiho fi wɔn hɔ a, na ɛyɛ ne kwan so.

AUGUST 9-15

BIBLE MU AKORADE | DEUTERONOMIUM 24-26

it-2 1196 ¶4

Ɔbea

Mmara a na ɛfa asraafo adwuma ho no mpo, na ɛboa wɔn a wɔaware foforo, efisɛ sɛ ɔbarima ware foforo a, afe a edi kan no, na ɛnsɛ sɛ ɔkɔ ɔkɔ. Ná ɛno bɛma awarefo no anya kwan awo. Enti sɛ ɔbarima no nni hɔ anaa okowu wɔ akono mpo a, na ɔbea no betumi de abofra no akyekye ne werɛ. —De 20:7; 24:5.

it-1 963 ¶2

Nnɔbae Ase a Wɔsesaw

Nhyehyɛ kama a Yehowa yɛ maa ahiafo no, na ɛnyɛ adwene no ne sɛ ɛbɛma wɔayɛ an-ihafɔ, mmom ɛmaa Israelfo no hui sɛ, ɛsɛ sɛ wobue wɔn nsam, wɔde wɔn ho to Yehowa so, na ɛnsɛ sɛ wɔyɛ pɛsɛmenkominya. Saa nhyehyɛ no ma yɛte aɛm a Dawid kae no ase yiye paa. Ɔkaa sɛ: “Minhuu sɛ Onyankopɔn apo ɔtreneeni anaase n'asefo sɛsɛ aduan.” (Dw 37:25) Afei nso, sɛnea na Mmara no kyerɛ no, sɛ obi yɛ ohiani na sɛ ɔyere ne ho kɔsesaw nnɔbae ase a, na ɛremma onni kɔm. Saa ara nso na na ɛremma ɔno anaa ne mma nkɔsɛsɛ aduan.

w11 3/1 23

Wunim Biribi?

Tete Israel no, sɛ ɔbarima bi wu na sɛ onni ɔbabarima a, na ɛsɛ sɛ ne nuabarima ware ne yere a wagyaw no akyi anaa okunafo no, sɛnea ɛbɛyɛ a ɔne no bɛwo, na nea wawu no din anyera. (Genesis 38:8) Akyiri yi, Onyan-

kopɔn de saa nhyehyɛ yi kaa Mose Mmara no ho. (Deuteronomium 25:5, 6) Nea Boas yɛ a ɛho aɛm wɔ Rut nhoma no mu ma yehu sɛ, sɛ ɔbarima bi wu na sɛ ne nua mmarima no mu biara nni hɔ a, ne busuani a ɔbɛn no betumi aware ne yere no.—Rut 1: 3, 4; 2:19, 20; 4:1-6.

Yɛhwɛ aɛm a Sadukifo no kobisaa Yesu a ɛho aɛm wɔ Marko 12:20-22 no a, ɛma yehu sɛ Yesu bere so no, na nhyehyɛ a ɛne sɛ obi wu a, ne nua nware ne yere no da so ara wɔ hɔ. Yudafo abakɔsɛm kyerɛwfo bi a wɔfrɛ no Flavius Josephus a ɔtenaa ase wɔ asomafo no bere so kaa sɛ, saa nhyehyɛ yi boae na ɔbarima a wawu no din anyera. Afei nso, ɛbɔɔ abusua no agyapade ho ban na ankodi obi nsam, na ɛsan boaa okunafo no maa ne nsa kaa nea ohia. Saa bere no, sɛ ɔbea bi kunu wu a, agyapade a ogyaa no akyi no, na enkodi ne yere nsam. Nanso sɛ ne kunu no nua kɔware no na sɛ wɔwo a, na wɔde agyapade no ma abofra no.

Tweetwee Bible Mu

it-1 640 ¶15

Awaregyae

Awaregyae Krataa. Mose Mmara no kaa sɛ, sɛ biribi nti ɔbarima bi pɛ sɛ ogyaa ne yere a, hokwan wɔ hɔ. Ɛwom, eduu baabi no, ebinom gyinaa saa nhyehyɛ yi so gyaa wɔn yerenom basabasa. Nanso ɛno nkyerɛ sɛ Mose Mmara no ma ɛyɛɛ mmerɛw maa Israel mmarima sɛ wobegyaa wɔn yerenom. Nea enti a ɛte saa ne sɛ, Mmara no kaa sɛ, sɛ obi pɛ sɛ ogyaa ne yere a, nneɛma pɔtee bi wɔ hɔ a ɛsɛ sɛ ɔyɛ. Ná ɛsɛ sɛ ‘ɔkyerɛw awaregyae krataa.’ Owie a, na ɛsɛ sɛ ɔde ‘hyɛ ɔbea no nsam ma ofi ne fi kɔ.’ (De 24:1) Ɛwom, nneɛma pɔtee a na ɛsɛ sɛ ɔbarima no yɛ ansa na ɔde krataa no ama ɔbea no, Kyerɛwnsɛm no nka ho aɛm. Nanso

ɛbɛyɛ sɛ, na ɛsɛ sɛ odi kan kohu mpanyimfo a wodi nsɛm a ɛtete saa ho dwuma no. Saa mpanyimfo no, ɛbɛyɛ sɛ, sɛ ɔbarima bi de aɛm bi saa bɛto wɔn anim a, na wɔbɔ mmɔden sɛ wobesiesie ɔne ne yere no ntaɛ. Afei nso, awaregyae krataa a na ɔbarima no bɛto ne bo ase akyerɛw, na wahwe sɛ ɛho biribiara di mŭ no, na ebegye bere. Enti na saa bere no bɛma wanya hokwan asan asusuw gyinae a wasi no ho ahwe sɛ, ehia sɛ ogyaa ne yere no anaa. Ebetumi aba sɛ bere a ɔresusuw ho no, obehu sɛ nea ɔregyina so agyaa ne yere no nyɛ aɛm biara. Enti saa nhyehyɛ yi boae, na mmarima ampere wɔn ho annya wɔn yerenom bere biara a wɔpɛ. Ɛsan bɔɔ ɔyerenom ho ban, na wɔn kununom anyɛ wɔn basabasa. Ne nyinaa mu no, sɛ ɔbarima bi yɛ n’adwene sɛ ɔɛkyerɛw “awaregyae krataa” de agyaa ne yere a, nneɛma pɔtee a na ɛsɛ sɛ ɔkyerɛw wɔ krataa no mu de, Bible nka.

AUGUST 16-22

BIBLE MU AKORADE | DEUTERONOMIUM 27-28

Tweetwee Bible Mu

it-1 360

Ɔhyɛ Anaa Ɔhyɛ

Yehowa ka kyerɛɛ Israelfo no sɛ, ɛnsɛ sɛ obiara pia ne yɔnko hyɛ kɔ akyi. (De 19:14; san hwe Mme 22:28.) Mmara no kae mpo sɛ, nnome nka nea opia “ne yɔnko hyɛ kɔ akyi.” (De 27:17) Tete no, sɛ obi wɔ asaase a, nnɔbae a onya fi asaase no so no, ɛno na na ɔde hwe ne ho. Enti sɛ obi pia ne yɔnko hyɛ kɔ akyi a, aduan a asaasewura no benya no so bɛtew. Saa bere no, sɛ obi yɛ saa a, na wohu no sɛ wabɔ korɔn. (Hio 24:2) Nanso na ebinom kata wɔn ani di saa bɔne no. Yuda abirempon a wɔtenaa ase wɔ

Hosea bere so no, Bible ka se na wote se nkurɔfo a wopiapia chye.—Ho 5:10.

AUGUST 23-29

BIBLE MU AKORADE | DEUTERONOMIUM 29-30

Tweetwee Bible Mu

it-1 665 ¶3

Aso

Israelfo asoɔdenfo a na wɔasen wɔn kɔn no, Yehowa nam n’asomfo so kaa se “wɔasisiw wɔn aso.” (Yer 6:10; Aso 7:51) Saa nkurɔfo no, na ete se nea biribi hyehye wɔn asom, enti wokasa a, wɔnte. Ɔkwan bi so no, na Yehowa mmuee wɔn asom, efise Bible ma yehu se, wɔn a wɔhwehwe Yehowa no, ɔma wɔn aso a etie asem na ete nsem ase. Nanso wɔn a wontie no no de, ete se nea wama wɔn aso a ente asem. (De 29:4; Ro 11:8) Ɔsomafo Paul ka too ho se, bere bi beba a wɔn a wɔkyere se wɔye Kristofo no bi betwe wɔn ho afi gyidi no ho. Ɔde kaa ho se, saa nkurɔfo no rentie nokware a ewɔ Onyankopɔn Asem no mu, mmom esiane se wɔpe se wotie nsem a ebeye wɔn “asom de” nti, wɔbeɔ akotie akyerskyersfo atorofɔ. (2Ti 4:3, 4; 1Ti 4:1) Weinom da nkyen a, Bible ma yehu se, se obi te asem a eye nwonwa anaa asemmɔne bi a, etumi ma n’asom ye no “yɔnn.”—1Sa 3:11; 2Ah 21:12; Yer 19:3.

AUGUST 30–SEPTEMBER 5

BIBLE MU AKORADE | DEUTERONOMIUM 31-32

w09 5/1 14 ¶4

Mfatoho Ahorow a Ewɔ Bible Mu No, Wote Ase?

Bible tumi de Yehowa toto nneema a nkwa nnim ho. Eka ne ho asem se ɔye “Israel

Botan,” ɔye ‘ɔbotan,’ na ɔye ‘abannennen.’ (2 Samuel 23:3; Dwom 18:2; Deuteronomium 32:4) Aden nti na wɔde Yehowa toto saa nneema yi ho? Nea enti a ete saa ne se, se ɔbotan kese bi tim ho a, biribiara ntumi nwasow no. Saa ara na Yehowa Nyankopɔn te; ɔwɔ ho ma yen bere nyinaa, enti se yeƔo ne ho kɔhwehwe ahobammɔ a, yen nsa ren-si fam da.